

Turnerinnen

Chlaushöck 2010

Im KTV-Hus isch das Jahr euse Chlaushöck gsi
öppe 35 Turnerinne sind debi
uf dä wiehnächtlich dekorierte Tisch hätts Raclett Oefeli gha
und ufeme andere Tisch, was mer alls dezue cha ha
ä riese Uswahl a Bilage, ä wahri Pracht
Manuela und Cornelia ihr händ das wunderbar gmacht

Die beide Schwöschtere händ ä Wiehnachtsgschicht vortreit
me hätt dem besser Fruscht-Gschicht gseit
zum Dessert händ ä paari Chueche bache
und eus Schläckmüler grossi Freud chönne mache
jedes hätt dörfe ä Wiehnachtszitig mit hei näh,
da drin hättts viel Intressants und Luschtigs z'läse gä

Die zwei händ viel Arbet gha
und au d'Kasse hätt sich nüd lumpe la
d'Manu macht d'Arbet, d'Conny tuet regiere
äs perfekts Paar zum organisiere
ich danke, es sind alli iverschtande demit
wänn ich säge es isch schön, dass es eu git

Romy Anderhalden

